

3. ausculta. Ingenii cuiusque imago est *eius* fides, o Bhârata.  
Fide praeditus quilibet homo, cui rei fidem habet, talis est
4. utique. Sacra faciunt *homines* essentialia Divis; Geniis Gi-  
gantibusque impetuosus; Manibus Lemurumque gregibus alii
5. sacra faciunt caliginosi homines. Qui lege scripta haud  
comprobatis sese castigant castimoniis homines, cum simula-  
tione ac sui fiducia copulati, libidine, commotione, violentia
6. obsessi, vexantes corpori insidentem compagem vitalem,  
dementes, et me perinde intimis corporis recessibus insiden-
7. tem: hosce scias daemonibus addictos. At enimvero cibus  
etiam singulis triplex gratus est; *triplex* sacrificium, castimo-  
nia, nec non largitio. Horum hancce distinctionem ausculta.
8. Aevum, substantiam, robur, sanitatem, voluptatem, hilari-  
tatem augentes, sapidi, mites, solidi, suaves cibi essentiali-
9. bus hominibus grati sunt. Acres, acidi, salsi, nimis fer-  
vidi, pungentes, acerbi inflammantesque cibi impetuoso pla-
10. cent, doloris, molestiae morborumque foecundi. Vapidae,  
insipidae, et quae foetore corruptae sunt, vel reiectae etiam
11. et obscoenae dapes caliginosis gratae sunt. Quod ab iis,  
qui nullum inde praemium captant, offertur sacrificium cum  
rituum respectu, nullo alio consilio menti infixum nisi ut sacri-
12. ficandi officium expleatur, id est *essentiale*. Praecepta au-  
tem praemii expectatione, simulandaeque pietatis gratia  
etiam quod perficitur, Bharatidarum optime, id sacrificium
13. scias esse impetuosum. A ritu alienum, celebratum sine  
cibi distributione, sine carminibus solemnibus, mercede sa-  
cerdotibus negata, fide destitutum sacrificium caliginosum
14. nuncupatur. Reverentia erga Deos, Brachmanes, magis-  
tros doctosque, puritas, rectitudo, vita ad theologiae studium  
conformata, innocentia: haec ad corporalem castimoniam re-